

իրերը: Երբեմն էլ աղջիկները տնետուն ման գալով և ծաղիկների փնջեր բա-
ժանելով, հավաքում էին այդ իրերը՝ վիճակին մասնակցել ցանկացողներից:
Փարչը տանում էին մի խաչի⁵³ մոտ, դնում էին մեջտեղ և շուրջը նստոտում:
Մեկը, որ կոչվում էր մէր՝ մայր⁵⁴, որն ավելի շատ երգեր գիտեր և ավելի սրա-
միտ էր համարվում, փարչը ծածկում էր որևէ կտորով և ասում էր վիճակի
քառյակը, մյուսները կրկնում էին քառյակը և ապա մէրը հանում էր փարչի
միջից, ծածկոցի տակից մի իր—երգը գուշակում էր հանված իրի տիրուհու
բախտը: Միսակատարութունը վերջանում էր նախորդ օրը մէժմանու վրա
շարված մրգեղենի ընկերությամբ ուտելով:

Ասավածածնի տօն: Այդ տոնին խաղողն էր օրհնվում և բոլոր այգեգոր-
ծական գավառներում հանդիսավոր և բազմամարդ տոնակատարություն էր
լինում, մինչ այդ տոնը խաղողը պաս էր և արգելվում էր ուտել: Զանգեզու-
րում, որտեղ այգեգործութունը երկրորդական տեղ էր գրավում տեղական
տնտեսության մեջ, այդ տոնն անցնում էր անշուք կերպով, եթե համեմատե-
լու լինենք, օրինակ, Երևանի կամ Ագուլիսի հետ: Զանգեզուրցիք բավականա-
նում էին խաղողը եկեղեցում օրհնելով և իրար մեջ բաժանելով:

Սրվի խաչի տօն: Զանգեզուրցին այդ օրը նշում էր միայն մերձավոր
խաչերի այցելություններով: Սիսիանի միայն մի քանի գյուղերում այդ տարի
ննջեցյալ ունեցողները ուրբաթ օրը ոսպով շօրվա էին պատրաստում և բա-
ժանում որպես հոգեբաժին: Նույնպես այդ օրն օրհնել էին տալիս գերեզման-
ները⁵⁵: Շատ քիչ գյուղերում գերեզմաններն օրհնել տալուց հետո նստում էին
ընդհանուր հասարակական ճաշկերույթի, ի մի հավաքելով տներից բերած
կերակուրները:

Տարվա երկրորդ կիսամյակը Զանգեզուրումն էլ, ինչպես և հայաբնակ
այլ վայրերում, առաջին կիսամյակի համեմատությամբ շատ աղքատ էր տո-
նակատարություններով: Բերքը հավաքելուց հետո կարծես այլևս կարիքը
վերանում էր մազիկ ծխակատարություններով բնության ուժերի ընթացքին
և զորությանը միջամտելու, ուղղութուն տալու այդ ուժերի արթնացմանը,
ծավալմանը և լիակատար ներգործմանը:

Այսպիսով, տեսնում ենք, որ ժողովրդական տոները ոչ թե լոկ ուրախու-
թյան արտահայտություններ են եղել հնում, կամ լոկ վերհիշում այս կամ այն
նշանավոր դեպքի, այլ մոզակամ միջոցառումներ, որոնցով մարդը խառնվում
էր բնության կյանքին, ձգտում էր արթնացնել նրա մեջ այն կենդանարար
ուժը, որն իրեն անհրաժեշտ էր իր տնտեսության համար: Նա աշխատում էր
առաջն առնել թե՛ բնության վնասարար, կործանարար ուժերի ազդեցության
և թե՛ թշնամիների շար կախարղությունների: Այս տոները միայն արտաբուսա
զուգորդվեցին Քրիստոսի կյանքի մասին եկեղեցու կողմից կանոնացրած ավան-
դությունների հետ: Նրանց մեջ ուժեղ շեշտված էր մեռնող և հարություն առ-
նող աստվածության պաշտամունքը, որի աղբյուրն էր ոչ թե քրիստոնեական
ուսմունքը, այլ Փոքր Ասիայի և առհասարակ Առաջավոր Ասիայի հնագույն
աշխարհամբռնումը: Այս աշխարհամբռնումը պարարտ հող է ծառայել քրիս-

⁵³ Գորիսում նրհատակի կամ սրվի Մրուսիսի քարայրի:

⁵⁴ Վիճակ հանող այս աղջիկը պիտի լիներ այնպիսի ընտանիքից, որտեղ ծնողներն առաջին
պսակի են, կենդանի և տան մեջ այդ տարին ննջեցյալ չի եղել: Այդ տարին իրենց տանը ննջեցյալ
ունեցած աղջիկը վիճակի համար իրը պիտի տար ոչ թե իրենց տնից, այլ ննջեցյալ շունեցած
որևէ մեկ ուրիշ տնից փարչի մեջ ձգելու համար:

⁵⁵ Լալայեան Ե., Սիսիան, էջ 160: